

ANG CRISTOHANONG KINABUHI, ANG IGLESIAHANONG KINABUHI, ANG PAGKAHINGPIT SA PANAHO, UG ANG PAG-ANHI SA GINOO

(Adlaw sa Ginoo—Unang Sesyon sa Buntag)

Mensahe 7

Makig-away sa Maayong Pakig-away, Moabot sa Dag-anan, ug Mahigugma sa Pagtungha sa Ginoo

Basahong Kasulatan: 2 Tim. 4:7-8, 10; 1 Tim. 1:4, 18; 6:12; Buh. 20:24; Heb. 12:1-2

I. “Naaway na nako ang maayong pakig-away”—2 Tim. 4:7a:

- A. Ang hustong Cristohanong kinabuhi naglambigit sa pag-away sa maayong pakig-away batok ni Satanas ug sa gingharian niya sa kangitngitan ug alang sa mga tinguha sa gingharian sa Dios—Efe. 6:10-19.
- B. Giisip ni Pablo nga pakig-away alang ni Cristo ang pagpangalagad, maingon nga giisip nga serbisyo-militar, pakig-away, ang sacerdotehanong pag-alagad—2 Tim. 2:3; Num. 4:23, 30, 35.
- C. “Walay nag-alagad ingon nga sundalo nga magpagapos sa iyang kaugalingon sa mga atimanonon ning kinabuhia”; nagpasabot kini nga aron makaaway sa maayong pakig-away alang sa mga tinguha sa Dios dinhi sa yuta, wad-on gyod nato ang tanang yutan-ong gapos—2 Tim. 2:4.
- D. Gisugo ni Pablo si Timoteo, nga matinumanong masigka-magbubuhay niya, nga makig-away batok sa lahing mga pagtulon-an ug alang sa pamatigayon sa Dios—1 Tim. 6:12; 2 Tim. 2:3-4.
- E. Ang pagpakig-away sa maayong pakig-away pagpakig-away man batok sa lahing mga pagtulon-an ug pagtuman sa pamatigayon sa Dios sumala sa pagpangalagad sa apostol kalabot sa ebanghelyo sa grasya ug sa walay kataposang kinabuhi aron mahimaya ang dalaygong Dios—1 Tim. 1:18; 6:12.
- F. Mangalagad ngani tag Cristo sa uban, mapalغان nato nga naa ta sa gubat; busa, mga sundalo gyod unta ta nga makig-away alang sa mga tinguha sa Dios—2 Tim. 2:3-4.
- G. Ang pagtudlo ug pagsangyaw sa pamatigayon sa Dios sa Bag-ong Tugon kalabot ni Cristo ug sa iglesia pagpakig-away man sa maayong pakig-away—1 Tim. 1:4; Efe. 5:32.
- H. Ang pagpakig-away sa maayong pakig-away sa pagtuo nagpasabot nga makig-away alang pamatigayon sa Dios sa Bag-ong Tugon; labi na gyod, pagpakig-away kini alang ni Cristo nga pagkalawas sa Dios ug sa iglesia nga Lawas ni Cristo—1 Tim. 6:12; 1:4; Col. 2:9, 19.
- I. Dili lang nga objectibo tang moaway sa maayong pakig-away sa pagtuo kondili subjectibo sab sa pagkupert nato sa kinabuhing walay kataposan—1 Tim. 6:12.

II. “Nakaabot na ko sa dag-anan”—2 Tim. 4:7b:

- A. “Wala ko igsapayan o ipakabililhon ba ang akong kinabuhi, aron mahuman lang nako ang akong dag-onon ug ang pagpangalagad nga nadawat nako ni Ginoong Jesus”—Buh. 20:24:
 1. Nagsugod si Pablo sa pagdagan sa langitnong lumba human siya mabatoni sa Ginoo, ug nagpadayon gyod siya sa pagdagan aron matapos niya kini—1 Cor. 9:24-26; Fil. 3:12-14.

2. Sa pagkatapos na sa pagdagan niya sa lumba nga madaogong makapahayag si apostol Pablo nga, “Nakaabot na ko sa dag-anan,” ug nakaseguro nga magantihan siya sa Ginoo sa Iyang pagtungha—2 Tim. 4:7-8.
- B. Ang hustong Cristohanong kinabuhi naglambigit og pagdagan sa lumba aron matuman ang pamatigayon sa Dios segun sa walay kataposang tuyo Niya—1 Cor. 9:24.
- C. Tinguhaon gyod nato ang panawng gitudlo sa Ginoo ug matinumanong molakaw niini, mobayad sa bisan unsang bili aron kinasingkasing gyong mopadayon sa atong panaw hangtod moabot ta sa kataposan—2 Tim. 4:7.
- D. Ang panaw nga gitudlo sa Ginoo alang nato mao ang lumba nga daganon gyod natong tanan—Heb. 12:1:
 1. Sa naluwas na ta, gipadagan ta sa Dios sa lumba, nga direktang gipatumong sa gingharian—2 Tim. 4:1.
 2. Dili ta makapili sa lumbaanan nga gusto natong daganan; modagan hinuon ta sa lumba nga gipahaluna sa Dios sa atong atubangan—Buh. 20:24.
- E. “Malahutayon [gyod tang] modagan sa lumba nga naa sa unahan nato”—Heb. 12:1:
 1. Sama ni apostol Pablo, modagan gyod sa lumba ang tanang Cristohanon aron makadaog sa ganti, dili kaluwasan sa kasagarang kahulogan kondili ganti sa espesyal nga kahulogan—10:35; 1 Cor. 3:14-15; 9:26-27; Fil. 3:13-14.
 2. Malahutayon gyod tang modagan sa lumba, malahutayong moantos sa pag-supak ug dili gyod layaan o maluya diha sa atong kalag—Heb. 12:2-3.
- F. Modagan ta sa Cristohanong lumba sa “pagtutok [nato] ni Jesus, sa Mag-uugda ug Maghihingpit sa atong pagtuo”—v. 2:
 1. Si Jesus ang Mag-uugda sa pagtuo—ang Tigsugod, Tig-inagurar, ang tinubdan, ug ang hinungdan sa pagtuo—v. 2:
 - a. Motutok gyod ta ni Jesus nga wala gyoy laing gitan-aw sa paglingiw nato sa tanang ubang butang—vv. 1-2; A. A. 1:4; Sal. 27:4.
 - b. Inigtutok nato ni Jesus, palatayan ta Niya, nga Espiritung taghatag-og-kinabuhi (1 Cor. 15:45), sa Iyang Kaugalingon, sa Iyang elemento sa pagtuo.
 2. Si Jesus ang Maghihingpit sa pagtuo—ang Tighuman ug Tigkompleto sa pagtuo—Heb. 12:2:
 - a. Isip Tigkompleto sa pagtuo, mapadayonong gipatuhop ni Ginoong Jesus ang Iyang Kaugalingon kanato isip elemento ug kahimoan sa pagtuo—Buh. 7:2; Gen. 15:6.
 - b. Motutok ngani ta Niya, ipangalagad Niya kanato ang langit, kinabuhi, ug kusog, palatayan ug patuhopan ta sa tanang pagkamao Niya aron makadagan ta sa langitnong lumba ug makakinabuhi sa langitnong kinabuhi dinhi sa yuta—2 Cor. 3:18.
 - c. Sa mapadayonon tang motutok Niya, humanon ug kompletohon Niya ang pagtuong gikinahanglan nato sa pagdagan sa langitnong lumba—Heb. 12:1-2.

III. Kon bililhon alang nato ang ikaduhang pag-anhi sa Ginoo, mahigugma ta sa Iyang pagtungha—2 Tim. 4:8:

- A. Dili gyod mabulag ang paghigugma sa pagtungha sa Ginoo ug ang paghigugma sa Ginoo mismo—1 Cor. 2:9; 2 Tim. 4:8.
- B. Kon nagpaabot ta sa pag-anhi sa Ginoo, kinahanglan mga tawo ta nga nahigugma sa Iyang pagtungha—1 Tes. 1:10; 2 Tim. 4:8.

- C. Pasidaan, pagdasig, ug pampadasig nato ang pagtungha sa Ginoo, ang Iyang pagbalik—v. 1, 18:
1. Higugmaon gyod nato ang pagtungha sa Ginoo ug maikagon ug malipayon gyong magpaabot niini—Bug. 22:20.
 2. Magkinabuhi gyod ta nga nahigugma sa pagtungha sa Ginoo; maghimo kini natong dili mahigawad kondili magpabilin hinuong matinumanon hangtod sa kataposan—2 Tim. 4:8; Bug. 17:14.
- D. Ang paghigugma sa pagtungha sa Ginoo sukwahi man sa paghigugma sa panahon karon—2 Tim. 4:8, 10:
1. Ang panahon bahin, seksyon, o aspeto man sa sistema sa kalibotan ni Satanas, nga gigamit niya sa pag-ilog ug pag-okupar sa mga tawo ug pagpalayo kanila sa Dios ug sa Iyang tuyo—1 Juan 5:19; 2:15.
 2. Sa 2 Timoteo 4:10 *ang panahon karon* nagpasabot sa kalibotan nga naglibot, nagdani, ug nagtintal nato; dili nato makontak ang kalibotan kon dili ta mokontak sa pahanon karon sa kalibotan.
 3. Nahigugma si Demas sa panahon karon; tungod sa pagdani sa panahon karon, gibiyaa niya si apostol Pablo—v. 10.
 4. Sa Roma 12:2 gitambagan ta ni Pablo nga dili magpaumol uyon ning panahona kondili magpatransporma hinuon sa pagpabag-o sa salabotan:
 - a. Ang *ning panahona* sa versiculo 2 nagpasabot sa kasamtangan, praktikal nga bahin sa kalibotan, nga nisupak sa kinabuhi sa Lawas ug nipuli sa kinabuhi sa Lawas—vv. 4-5.
 - b. Ang magpaumol uyon ning panahona nagpasabot nga moawat sa moderong mga urog sa panahon karon; ang matransporma kana mang ipaumol nato sa atong pagkatawo ang organicong elemento, ug tungod niana maghimog metabolicong kausaban sa sulod—v. 2; 2 Cor. 3:18.
 - c. Kay supak man ang panahon karon sa iglesia, nga kabubut-on sa Dios, dili gyod ta magpaumol uyon niini—Rom. 12:2.
 - d. Kon buot tang magkinabuhi diha sa Lawas ni Cristo, dili gyod ta mosunod sa panahon karon o magpaumol ba uyon ning panahona o masama niini—vv. 4-5.
 5. Kon nahigugma ta sa panahon karon, modapig ta sa kalibotan; kon nahigugma ta sa pagtungha sa Ginoo, modapig ta Niya ug makig-away uban Niya alang sa Iyang mga tinguha—2 Tim. 4:1-2, 4-8, 10.
- E. Makadaog gyod ang mga nahigugma sa Ginoo, nagpaabot sa Iyang pag-anhi, ug nahigugma sa Iyang pagtungha—1 Cor. 2:9; 2 Tim. 4:8; Bug. 22:20; 17:14.
- F. Ang paghigugma nato sa pagtungha sa Ginoo nagpamatuod nga nahigugma ta sa Ginoo ug nabuhi alang Niya karon; busa, kondisyon sab kini aron magantihan ta Niya—2 Tim. 4:8, 18.
- G. Ang paghigugma nato sa pagtungha sa Ginoo wala magpasabot nga dili na ta normal nga magkinabuhi; labi hinuon tang mahigugma sa Iyang pagtungha, labi sab tang normal gyong magkinabuhi karon—Mat. 24:40-42; 2 Tes. 1:10; 3:6-12; 1 Tim. 5:8.
- H. Isip mga tawong nahigugma ni Ginoong Jesus, naghimo Niya nga atong kinabuhi, nagkinabuhi Niya, ug nagpadako Niya, magpaabot gyod ta sa Iyang pag-anhi ug mahigugma sa Iyang pagtungha; kini gyod untay tinguha sa atong kasingkasing ug atong pagkinabuhi isip mga tawong naglaom nga makasulod sa Iyang kalipay, maluwas ngadto sa langitnong gingharian sa Ginoo, ug makadawat sa purongpurong sa pagkamatarong—2 Tim. 4:8, 18.